

URTEAN ZEHARREKO XI. DOMEKEA - A

SARRERAKO OHARKIZUNA

Egun on Eukaristiaren ospakizun honetara etorri zareen guztioi:

Geure borondatez, etorri gara elizara. Antxina sinagogan alkartzen ziran lez, gaur ere Jaunaren Hitza entzun eta geuganatu nahi dogu.

“Hutsean hartu dozue, emon hutsean” esango deusku Jesusek gaurko ebanjelioan.

Agertu deiogun geure esker ona, bere maitasunez zaintzen gaituan eta bere Barri Onaren mezulari izatera deitzen gaituan Jainkoari.

Igandea da Jaunaren eguna bereziki,
asteko jai-egun dogu, poz zabalera jaiki;
ospatu daigun fedea alkar hartuz estuki,
goza gaitezcan festaren oskarbitan biziki.

Igandearen airea dana dago argitan,
Jaun berbirtua eskeintzen jaku dohain handitan:
Hitzean arnasa bizi, indar Ogia baitan;
ederki gaitekez senti jai-xarmaren ongitan.

DAMU-OTOITZA

Senideok: gu pekatariak izan arren, maite izan ginduzan Jaungoikoak; guk, oster, beti bilatzen ditugu aitzakiak alkar maitatzeko orduan. Damutasunez, parkamena eskatu *daigun*:

—Jesus Jauna, zure guganako maitasunean sinistu ez dogulako. ERRUKI, JAUNA.

—Jesus Jauna, geure onari eta geuri komeni jakunari bakarrik begiratzen deusagulako. K.E

—Jesus Jauna, zeure odola isuriz gure pekatuak parkatu dituzulako. ERRUKI, JAUNA.

HITZAREN LITURGIA

Ex 19, 2-6a:

Jaungoikoak Israel herria bere herri berezitzat aukeratzen dau. Baina baldintza bat jarten deutso: bere berbea entzun eta bere alkargoa gorde *daia*la.

Erantzun-Salmoa: 99. Salmoa

Jaunaren herriko eta haren larreko artaldea garanok, poz-pezik abesten deusagu, mundu osoko Jauna autortzen dogun Jainko Salbatzaileari.

R/. Lur osoa, egiozu irrintzi Jainkoari.

Lurtar guztiok, egin irrintzi Jaunari,
zerbidu egizue Jauna pozaren pozez,
sartu zaiteze oihu alaiz haren aurrera. R/.

Jakizue Jauna dala Jainkoa,
harek egin gaitu, harenak gara,
haren herri eta haren larreko artalde. R/.

«Ona da-eta Jauna,
haren maitasuna betikoa,
haren leialtasuna gizaldiz gizaldikoa». R/.

Erm 5, 6-11:

Jaungoikoaren gudanako maitasuna ez da geuk irabazi dogun zerbait. Jaungoikoak, bera ona dalako, maite gaitu; pekatariak izan arren ere, maite gaitu.

Mt 9,36 - 10, 8:

Jesusek, bere salbamen ekintza aurrera eroateko,

hamabi lagun, apostoluak, aukeratzen ditu eta, bere izenean Barri Ona zabaltzera eta gaixoak osatzera bialtzen ditu. "Aleluia"

JAINKO HERRIAREN OTOITZA

Senideok, gure gizartean eginkizun bat daukagula gogoan izanik, bere Hitzaren testigu izateko indarra eskatu deiogun Jaungoiko Aitari:

—Kristoren Elizearen alde: bere misiolari izatea ez *daiala* galdu eta Ebanjelioaren mezua gizaki guztien artean zabaldu *daiala* , *eskatzen deutsugu, Jauna*.

—Mundu honetako ahaltsuen alde: gizon-emakumeen Jainkoaganako bidean oztoporik ez *daia*la jarri eta Ebanjelioaren argia guztiek aurkitu *daia*la , *eskatzen deutsugu, Jauna*.

—Gure gizarteko gaixo, baztertu eta zapalduen alde: ez *daia*la aurkitu gudan aurkako jarrerarik, adiskidetasuna eta maitasuna baino , *eskatzen deutsugu, Jauna*.

—Hemen alkartuta gagozanon alde, gure familia eta adiskideen alde, eukaristiaren indarrak alkarren zerbitzurako adoretu gaizan, *eskatzen deutsugu, Jauna*

Jaungoiko Aita, egizu, gure norkeria eta bildurrekin ez *daigula* ito zure Semearen salbamen misterioan agertu jakun zure maitasuna. Jesukristo gure Jaunaren bitartez. Amen.

Jaunartzean

¹. Ogi hau jaten dauanak izango dau bizia.

Kaliz hontan aurkitzen da Jainko-odol guztia:

R/. Hor dogu janaria ta hor gure edaria.

². Jaungoikoak deitzen gaitu: bera dogu janari.

Beragan dogu aurkitzen osasuna ugari.

R/. Zelan begiratzen deutson Jainkoak gizonari!

³. Danok gaur jaten badogu ogi bat mahai batean
ezin izan gorrotorik gaurtik gure artean.

R/. Alkar maitatu *daigun* Jesusen izenean.

AZKEN AGURRA

Elizatik urtetea, ahalegindu gaitezak guztiak
maitatzen. Jaungoikoak guztiok maite gaitu; geuk ere ez
daigula inor itzi gure maitasunetik kanpo.

Kanta Jaunari kantu barri,
kanta guztiok herriz-herri,
kanta Jaunaren izenari,
mundu guztia poz-kantari.

Gora Jainkoa zeruetan,
goratu danok eleizetan,
goratu baita aingeruek
eta goratu lurrekoek.